

“ТАСДИҚЛАЙМАН”
Молия вазири ўринбосари –
комиссия раиси

 **Г. Рахимова**

“10” февраль 2023 йил

Давлат харидлари соҳасидаги шикоятларни кўриб чиқиш бўйича
комиссия йиғилишининг
БАЁНИ № 2

Тошкент шаҳри

2023 йил 10 февраль

Раислик қилди:

Молия вазири ўринбосари – Комиссия раиси -
Г. Рахимова

Қатнашдилар:

Давлат харидлари соҳасидаги шикоятларни
кўриб чиқиш бўйича комиссия аъзолари

Таклиф этилганлар:

“SMEC internatsional PTY” компанияси
вакиллари, “Тошкент метрополитени” УК,
“Андижон ХЭТК” АЖ, “ENERGOMAX” МЧЖ,
“Muxtashamloyihadizayn” МЧЖ, “Наманган
худудий электр тармоқлари корхонаси” АЖ
вакиллари, “Toshelectroapparat” корхонаси вакили

Давлат харидлари соҳасидаги шикоятларни кўриб чиқиш бўйича
комиссия йиғилишининг кворуми – ____ %.

КУН ТАРТИБИ

1. “SMEC internatsional PTY. limited” компаниясининг 2023 йил 19 январдаги SMEC/2023/BD/004-сон, 30 январдаги SMEC/2023/BD/007-сон, 1 февралдаги SMEC/2023/BD/009-сон мурожаатлари (мос равишда Ҳисоб палатасининг 2023 йил 23 январдаги 15-8-сон, 3 Февралдаги 15-70-сон ва 6 февралдаги 15-18-сон хатлари орқали келиб тушган). (Мазкур масала Комиссия томонидан 2023 йил 23 январда кўриб чиқилган ҳамда якуний қарор қабул қилиш Комиссиянинг навбатдаги йиғилишига қолдирилган)

2. “Желдоравтоматизация” АЖнинг 2023 йил 25 январдаги (Ҳисоб палатасининг 2023 йил 30 январдаги 15-11 сон хати орқали) 156-сон мурожаати.

3. “Элтиза” АЖнинг 2023 йил 24 январдаги (Ҳисоб палатасининг 2023 йил 27 январдаги 15-10 сон хати орқали) 08/333-сон мурожаати.

4. “Energomax” МЧЖнинг 2023 йил 31 январдаги (pt.gov.uz 2023 йил 01 февралдаги 17917-р/23 сон хати орқали) 3101/1-ЕМХ-сон мурожаати.

5. “Тошкент йўловчи вагонларини куриш ва таъмирлаш заводи” АЖнинг 2023 йил 26 январдаги 66-сон мурожаати.

6. “Toshelectroapparat” ХК МЧЖнинг 2022 йил 28 декабрдаги 1227-сон мурожаати.

Кун тартибидаги 1-масала юзасидан.

Комиссия иштирокчилари сўзга чиқиб, муқаддам мазкур масала кўриб чиқилганлигини мазкур йиғилишда яна бир бор тарафларни фикрларини эшитиб кўриш зарурати мавжудлиги тўғрисида комиссия аъзолари томонидан фикр билдирилганлигини айтиб ўтди. Шундан сўнг сўзни “SMEC internatsional PTY. limited” компанияси вакилига берди.

Мазкур компания вакили томонидан мурожаатда келтирилган бир қанча эътирозларини Комиссия аъзоларига маълум қилиб ўтди.

Унга кўра, “4-сон Курилиш дирекцияси” МЧЖ ҳузуридаги харид комиссияси томонидан Пскем ГЭС тўғрисида куриш учун лойиҳани бошқариш бўйича пудратчи хизматини жалб қилиш бўйича 2022 йил 21 октябрда давлат харидлари электрон тизимида (xt-harid.uz) эълон қилинган тендер савдоси натижаларини кўриб чиқиш жараёнида тендер иштирокчилари томонидан тақдим этилган ҳужжатлардаги кўпол қоидабузарликларга эътибор берилмагани, жумладан;

ғолиб иштирокчи томонидан тақдим этилган тендер ҳужжатларининг 3-бандидаги “иш тажрибаси тўғрисидаги маълумот” қисмида электрон тизимда тўлдирилмаганлиги;

ғолиб иштирокчи томонидан тақдим қилинган маълумотлар тендер талабларига мос келмаслиги ва электрон платформадаги майдонлар тўлиқ тўлдирилмагани;

тендер ҳужжатларига мувофиқ малака талабларида кўрсатилган 1,1 тўғонли камида 300 МВт қувватга эга ГЭС объектлари учун камида битта муваффақиятли бажарилган лойиҳани бошқариш шартномаси рус тилига таржима қилинган хизматлар сертификатлари мавжуд эмаслиги;

шу каби географик ҳудудларда лойиҳаларни амалга ошириш тажрибасини тасдиқловчи камида битта муваффақиятли тузилган шартноманинг рус тилига таржима қилинган хизматлар сертификатлари мавжуд эмаслиги;

лойиҳани бошқариш бўйича дастурий маҳсулотлар мавжудлигини тасдиқлаш лицензияланган дастурий маҳсулотлар мавжудлигини тасдиқловчи рус тилига таржима қилинган скриншотлар йўқлиги;

амалга оширишни тасдиқловчи ИСО сертификати ёки бошқа тан олинган халқаро сертификатларнинг рус тилига таржима қилинган шакли йўқлиги;

ғолиб иштирокчининг яшаш жойида рўйхатдан ўтганлиги тўғрисидаги ҳужжатнинг нотариал тасдиқланган нусхаси, шунингдек банк реквизитлари (ҳисоб кайдномаси, банк жойлашган жойи) рус тилига таржима қилинмаганлиги;

аванс тўлови ва банк кафолатини киритишдаги сумма миқдори;

тендер хужжатларига қўйилган талаблар;

тендер таклифи тақдимномасининг рус тилидаги версиясида ғолиб иштирокчининг ваколатли вакилининг имзоси ва муҳри йўқлиги ва бошқа важлар маълум қилинган.

Маълумот учун: Комиссия ишчи органи томонидан 02.02.2023 йилда “Uzbekgidroenergo” АЖга ва “4-сон Қурилиш дирекцияси” МЧЖларга мурожаатда келтирилган масалаларга асосли тушунтириши ва маълумотлар тақдим қилиши бўйича мурожаат йўлланган ва 2023 йил 10 февралда 06-10/130-сон билан жавоб хати олинган.

Шундан сўнг, “Ўзбекгидроэнерго” АЖ ва “4-сон Қурилиш дирекцияси” МЧЖ мутахассислари сўзга чиқиб бир қатор масалаларга ойдинлик киритишди, жумладан:

таклифнинг техник қисми бўйича харид хужжатлари талабларига мувофиқ маълумотлар инглиз ва рус тилларида тақдим этилиши юзасидан ғолиб томонидан инглиз ва рус тилида тақдим қилганини ва тақдим этилган хужжатлар мувофиқликлари тўғрисида қарор қабул қилиш учун етарли бўлгани;

ғолиб томонидан шунга ўхшаш ишларни амалга оширилиши юзасидан тақдим этган маълумотларида лойиҳалар, эълон қилинган тажрибани тасдиқловчи (18 дан ортиқ шунга ўхшаш лойиҳаларни амалга оширгани) нотариал тасдиқланган хужжатлар 2 ва 3-шакллар тақдим этилгани;

ғолиб сертификатларни, жумладан ИСО, ФИДИС, ИХА, ИТА сертификатларини ўз ичига олган маълумотларни тақдим этгани ва бу маълумотлар мувофиқлик ёки номувофиқлик тўғрисида қарор қабул қилиш учун етарли эканини.

ғолиб томонидан тижорат реестрида рўйхатдан ўтганлик тўғрисидаги гувоҳномалар ва бошқа маълумотлар техник хужжатларга мос тақдим қилинганини;

ғолиб мансабдор шахслар ва мулкдорларнинг тузилишини кўрсатган ҳолда ташкилий тузилма тўғрисида тўлиқ хужжатларни рус ва инглиз тилларида тақдим этгани (сайт томонидан эълон қилинган ҳар бир лойиҳа учун тақдим этилган);

ғолиб харид хужжатлари талабларига мувофиқ шакллар бўйича маълумот бергани, эълон қилинган таклиф ваколатли маълумотлар тақдим этилган хужжатлар билан, шу жумладан нотариал тасдиқланган ҳолда тасдиқлангани. Ғолиб томонидан тақдим этилган маълумотлар мувофиқлик ёки номувофиқлик тўғрисида қарор қабул қилиш учун етарли экани айтиб харид комиссияси томонидан таклифларни баҳолаш белгиланган тартибда амалга оширилганини;

мазкур давлат хариди ўтказилиши жараёнида электрон тизимда малакавий талаблар, техник ва нарх қисмидаги маълумотлар тўғри киритилганини маълум қилинганлиги баён қилинган.

Шу билан бирга тендер таклифига оид барча ёзишма ва хужжатлар рус ҳамда инглиз тилларида тақдим этилиши назарда тутилгани, лекин иштирокчиларнинг хужжатларида номувофиқликлар бўлган тақдирда рус тилидаги версияси устунлик қилиши маълум қилинган.

Шунингдек, “ХТ-Харид технологиялари” МЧЖ томонидан 2023 йил 10 февралда 10/1-02-23 сонли жавоб хати олинган бўлиб, унда:

Закалат тўловлари “Dolsar Engineering Inc. Co.” Компанияси томонидан 2023 йил 13 декабрь куни ва иштирокчи “SMEC Internatsional PTY. limited” томонидан 2023 йил 9 декабрда амалга оширилгани;

электрон тизимда закалат миқдори фақат фоиз кўринишида белгиланиши;

мурожаатчи томонидан малакали талаблар қаторида сўраладиган “Ўхшаш жараёнлар бўйича тажрибага эга эканлик” тўғрисидаги майдончаси ахборот сифатида

тўлдирилиши мумкинлиги ва ушбу майдончадаги маълумотлар баҳоланмаслигини маълум қилган.

Йиғилиш давомида таклиф этилганлар томонларнинг вакиллари билдирилган фикр ва мулоҳазалари Комиссия аъзолари томонидан тингланди.

Кун тартибидаги 2 ва 3-масалалар юзасидан.

Комиссия аъзолари сўзга чиқиб, “Желдоравтоматизация” АЖ ва “Элтиза” АЖларнинг мурожаатларида қайд этилган масалалар битта лот орқали ўтказилган давлат харидига тааллуқли эканини таъкидлаб мазкур мурожаатларни Комиссия аъзолари ва йиғилиш иштирокчиларига таништирди.

Унга кўра, “Тошкент метрополитени” УК томонидан (220698 лот рақами орқали) ўтказилган “Закупка оборудования микропроцессорной централизации (МПП) Чиланзарской линии (для организации интервального регулирования и безопасного движения подвижного состава).” энг яхши таклифни танлаш савдоларида:

Ғолибни аниқлашда балларни асоссиз равишда паст баҳоланганлигини;

Ушбу танлов 2022-йил декабрь ойида ҳужжатларни биринчи топширилганидан бир ой фарқ билан яна ўтказилгани. Танлов комиссияси томонидан ҳар бир мезон бўйича таклифлар баҳоланган ҳолда 23.12.2022й да расмий баённома мавжудлиги, бироқ 2023-йил 21-январдаги янги баённомада айнан шу мезонлар бўйича танлов комиссиясининг бир ҳил тақдим этилган ҳужжатларни баҳолашга асосланган баҳолари ноаниқ сабабларга кўра фарқлангани;

шунга қарамай, Тошкент метрополитенида ҳаракатланувчи таркибнинг таклиф этилаётган сигнализация тизимларига (МПС ва АЛС-АРС тизими) мувофиқлигини тасдиқлаш лойиҳа учун муҳим аҳамиятга эгалиги;

Тошкент метрополитенининг Сирғали йўналишида таклиф этилаётган сигнализация тизимларининг ҳаракатланувчи таркиб билан уйғунлиги синовдан ўтказилгани ва реал эксплуатация билан тасдиқлангани, мурожаатчи томонидан тақдим этилган хат ва мувофиқлик талабларига мослиги ҳар томонлама тасдиқлаши, харид комиссияси бу ҳолатни эътиборсиз қолдиргани;

талабларни белгилашда иштирокчилардан бирига бошқаларнинг натижаларига таъсир ўтказишга имкон берилгани;

танловнинг техник топшириғида МДХ метрополитенларида МПС тизимининг тавсия этилган тонал трек схемалари қуйи тизими билан биргаликда ишлаш бўйича техник ечимлар ва ҳақиқий тажриба келишилган бўлиши кераклиги ҳақидаги талаб акс эттирилган. Ушбу тизимлардан фойдаланишнинг алоҳида тажрибаси ушбу талабнинг бажарилишини таъминлай олмаслиги, қўшма ечимдан фойдаланиш тажрибаси поездлар ҳаракати хавфсизлиги учун фундаментал аҳамиятга эгалиги, мурожаатчи ушбу талабни тўлиқ инобатга олгани ва керакли далилларни тақдим этгани. Танланган ғолиб учун бундай тажриба ва ечимлар мавжудлиги ҳақида очик манбаларда ёки соҳа экспертларда ҳеч қандай маълумот йўқлиги, бу жиддий шубҳаларни уйғотиши ва синчиклаб текширилиши кераклиги;

танлов натижаларини сарҳисоб қилиш баённомасида 21.01.2023 йил кўрсатилгани, бироқ танлов натижалари бўйича овоз бериш санаси (7 марта алоҳида белгиланган) 01.05.2023 йил бўлгани;

энг яхши таклифларни танлаш форматида танлов ўтказишнинг малакасизлиги.

Буюртмачининг, харид комиссиясининг, унинг аъзоларининг ҳаракати (ҳаракатсизлиги)нинг ноқонунийлиги;

танловнинг расмий баённомасида акс эттирилган техник таклифларни баҳолашда балларни ноҳолис ва асоссизлиги;

мазкур давлат харидида, харид қилиш тартиб-таомилларида нотўғри танлангани;

имтиёзли солиқ режимини бериладиган ва (ёки) молиявий операцияларни амалга оширишда маълумотларни ошкор қилиш ва тақдим этишни таъминламайдиган штатларда ёки ҳудудларда резидент таъсисчилари бўлган ташкилот “TMH Intelligent Systems” МЧЖ голиб бўлгани ва бошқа важлар маълум қилинган.

Маълумот учун: Комиссия ишчи органи томонидан 03.02.2023 йилда “Тошкент метрополитени” УКга мурожаатда келтирилган масалаларга асосли тушунириши ва маълумотлар тақдим қилиши бўйича 52-37/159 сонли мурожаат хати йўлланган

Шундан сўнг “Тошкент метрополитени” УК вакили сўзга чиқиб мурожаатда кўтарилган масалалар юзасидан Комиссия аъзоларининг бир қатор саволларига жавоб берди. Хусусан:

мазкур давлат хариди метрополитен фаолияти самарадорлигини оширишнинг асосий йўналишлари белгиланган Ўзбекистон Республикаси Президентининг 2021 йил 16 октябрдаги “Тошкент метрополитени фаолиятининг самарадорлигини ошириш чора-тадбирлари тўғрисида”ги 5260-сон қарори (кейинги ўринларда - қарор) билан амалга оширилгани;

Ушбу Қарорнинг 5-бандига асосан “Тошкент метрополитени” ДУКга 2024 йил 1 январга қадар метро вагонлари, метрополитен эксплуатация эҳтиёжлари учун зарур бўладиган асбоб-ускуналар, эҳтиёт ва бутловчи қисмларни етказиб бериш ҳақидаги импорт шартномаларини “Лойиҳалар ва импорт контрактларини комплекс экспертиза қилиш маркази” ДУКда комплекс экспертизадан ўтказган ҳамда контракт тузилганлиги тўғрисидаги ахборотни махсус ахборот порталига жойлаштирган ҳолда ишлаб чиқарувчиларнинг энг яхши таклифларини танлаб олиш йўли билан тўғридан-тўғри тузишга рухсат берилгани

Шунингдек, мазкур қарорнинг 1-илоvasида келтирилган “2021 — 2023 йилларда Тошкент метрополитенида йўловчи ташиш ва поездлар ҳаракати хавфсизлигини таъминлашга қаратилган биринчи навбатдаги чора-тадбирлар режаси”нинг 12-бандига мувофиқ, поездлар ҳаракати хавфсизлигини таъминлаш мақсадида Чилонзор йўналишида релели диспетчерлик марказлаштириш тизимини модернизация қилиш орқали 5 та пунктда микропроцессорлик марказлаштириш тизимини (МПЦ) ташкил этиш кўрсатилгани ва бошқа важларни маълум қилди.

Йиғилиш давомида Рақобатни ривожлантириш ва истеъмолчилар ҳуқуқларини ҳимоя қилиш кўмитаси мутахассиси сўзга чиқиб очик манбалардан олинган маълумотларга мувофиқ ушбу давлат хариди иштирокчиси “TMH Intelligent Systems” МЧЖ таъсисчилари имтиёзли солиқ режими бериладиган ва (ёки) молиявий операциялар амалга оширилганда маълумотларни ошкор этиш ва беришни назарда тутмайдиган давлат ёки ҳудудларда (оффшор ҳудудларда) рўйхатдан ўтганлигини бу эса Тендер ҳужжатлари талабларининг 6.4-бандига зид эканлигини маълум қилди (Маълумотлар илова қилинади).

Ушбу масала юзасидан тақдим қилинган ҳужжатлар Комиссия аъзолари томонидан батафсил ўрганилди ва таклиф этилган вакиллар томонидан билдирилган фикр ва ахборотлар тўлиқ тингланди.

Кун тартибидаги 4-масала юзасидан.

Комиссия иштирокчилари сўзга чиқиб, “Energomax” МЧЖнинг мурожаатида келтирилган шикоятларни Комиссия аъзолари ва йиғилиш иштирокчиларига таништирди.

Унга кўра, “Андижон ХЭТК” АЖ томонидан (22121006214664-лот рақам) орқали “Янги Андижон шаҳрида уй жойларни электр энергияси билан таъминлаш учун Андижон туман Истиклол массиви ҳудудида 1,04 гектар ер майдонига янги 110/35/10 кВ кучланишли 2 та 16 минг кВт қувватли подстанцияси қурилиши” юзасидан ва (22121006214676-лот рақами) орқали “110/35/10 кВ кучланишли подстанциядан чиқувчи 35 кВ тармоқни марказий тақсимлаш шахобчаси (РП-35 кВ) ва ўрнатиладиган куруқ трансформаторлар ҳамда унга зарур бўладиган ускуналар билан таъминлаш” юзасидан ўтказилган энг яхши таклифни танлаш савдолари жараёнида:

“Андижон ХЭТК” вакиллари “Янги Андижон” ДУК вакиллари билан биргаликда “Energomax” МЧЖ манзилига 11.01.2023 йил кечки соат 16:00 да етиб келишгани;

ишлаб чиқариш билан танишиб, “Energomax” МЧЖ чинакам ишлаб чиқарувчи эканлигини билиб, бу ҳақда ўз раҳбариятига хабар беришларини билдиргани;

лекин 23.01.2023 йилгача, “Energomax” МЧЖ шартномалар имзолашга тайёрлиги ҳақида 2 та хат юборганига қарамай (Илова №2), Бош директор Юлдашев Х.Б. (+998995244771), Техник директор – Тендер комиссияси раиси Юсупов С.А. (+998931277775) “Energomax” МЧЖ томонидан кўплаб кўнғироқларга жавоб бермагани, лойиҳа координатори Умаркулов Б. ва “Андижон ХЭТК”нинг бошқа ходимлари жавобгарликни бошқаларга, шу жумладан ўз раҳбариятга ўтказётгани, шунга кўра, шартномаларни имзолаш, Ишчи лойиҳа ва қолган техник ҳужжатлар билан таъминлаш ва таништириш бизга номаълум сабабларга кўра Андижон ХЭТК томонидан сунъий равишда кечиктирилаётгани;

буюртмачи шартнома тузишни ойлар давомида чўзиб қолибнинг гаров пулини музлатиб келаётгани ва бошқа важлар маълум қилинган.

Шундан сўнг, “Андижон ХЭТК” вакиллари сўзга чиқиб бир қатор саволларга жавоб беришди. Хусусан:

Мурожаатчи тендер ҳужжатларининг 3-шартида бўйича ўхшаш объектларига етказиб берилган электр қурилмалар 1 йиллик иш тажрибасига эга эмаслиги;

Ушбу давлат харидида мурожаатчи томонидан таклиф этилган нарх шубҳали эканлиги;

Техник шартларда кўрсатилган техник талабларга оид ҳужжатларнинг етарли эмаслиги;

Мазкур давлат хариди буюртмачиси “Янги Андижон” ДУКга мурожаатчининг таклифи маъқул эмаслиги, ўтказилган давлат хариди юзасидан тегишли қарор қабул қилиш бўйича ўз хулосасини тақдим қилиши айтиб ўтилди.

Ушбу масала юзасидан тақдим қилинган ҳужжатлар Комиссия аъзолари томонидан батафсил ўрганилди ва таклиф этилган вакиллар томонидан билдирилган фикр ва ахборотлар тўлиқ тингланди.

Кун тартибидаги 5-масала юзасидан.

Комиссия иштирокчилари сўзга чикиб, “Тошкент йўловчи вагонларини куриш ва таъмирлаш заводи” АЖнинг мурожаатида келтирилган масалалар билан Комиссия аъзоларини таништирди.

Мазкур мурожаатда:

“Тошкент йўловчи вагонларини куриш ва таъмирлаш заводи” АЖ томонидан ўтказилган давлат харидлари натижалари юзасидан ғолиб ташкилотлар билан шартномалар имзолангани;

лекин шартнома шартлари иштирокчилар томонидан бажарилмаётгани хусусан “Muxtashamloyihadizayn” МЧЖ билан 11.11.2022 йилдаги 86419 сонли тузилган шартнома ҳамда “AUTO PRISE 2022” МЧЖ билан 28.10.2022 йилдаги 591380.1-сонли шартнома шартлари бажарилмаётгани;

ушбу шартномаларни электрон тизимда “жарима” билан бекор қилиш тугмаси босилганда иштирокчилар томонидан рад этилаётгани сабабли ушбу мурожаатда қайд этилган масалаларни ижобий ҳал этиш сўралган.

Ушбу мурожаатга жавобан Комиссия аъзолари томонидан:

“Давлат харидлари соҳасидаги шикоятларни кўриб чиқиш тартиби тўғрисида”ги (14.05.2018 йил, рўйхат рақами 3013) Низомнинг 2-бандига асосан давлат харидлари натижасида тузилган шартномаларда назарда тутилган мажбуриятларни бажариш доирасида келиб чиқадиган низолар ва келишмовчиликларни тартибга солиш масалалари Давлат харидлари соҳасидаги шикоятларни кўриб чиқиш комиссияси томонидан кўриб чиқилмайдива қонунчилик ҳужжатларида белгиланган тартибда ҳал этилиши лозимлиги;

Ўзбекистон Республикаси “Хўжалик юритувчи субъектлар фаолиятининг шартномавий-ҳуқуқий базаси тўғрисида”ги Қонунининг 36-моддасига мувофиқ, хўжалик шартномаларини тузиш, бажариш, ўзгартириш ва бекор қилиш вақтида тарафлар ўртасида келиб чиқадиган низолар, шунингдек етказилган зарарни қоплаш тўғрисидаги низолар қонунчиликда белгиланган тартибда иқтисодий суд томонидан, шартномада назарда тутилган ҳолларда ёки тарафларнинг келишувига биноан – ҳакамлик суди томонидан кўриб чиқилиши белгиланганлиги айтиб ўтилди.

Кун тартибидаги 6-масала юзасидан.

Комиссия иштирокчилари сўзга чикиб, мурожаат муаллифи – “Toshelectroapparat” ХК МЧЖнинг мурожаатида кўтарилган масалалар билан йиғилиш иштирокчиларини таништирди.

Мазкур мурожаатда “Наманган ҳудудий электр тармоқлари корхонаси” АЖ (кейинги ўринларда - Жамият) томонидан 2022 йил декабрь ойида ўтказилган жами 41 та энг яхши таклифларни танлаш натижаларини расмийлаштириш жараёнлари юзасидан ва бошқа эътирозлар қайд этилган.

Хусусан, танлаш ҳужжатларидаги иштирокчиларнинг давлат рўйхатидан ўтганлиги, мавжуд техника ва механизмлари, шу соҳада бажарилган ишлар бўйича орттирган иш тажрибаси, мутахассисларнинг амалий иш тажрибаси ва ўртача иш стажы, банкротлик ҳолатида эмаслиги ҳамда молиявий кўрсаткичлари тўғрисидаги эътирозлар баён этилган.

“Zoom” платформаси орқали ўтказилган Комиссия йиғишида “Toshelectroapparat” ХК МЧЖ (мурожаат муаллифи) ва Жамият вакиллари иштирокида мурожаатда қайд этилган масалаларни кўриб чиқиш давомида, Жамият ўзи эълон қилган танлашда иштирок этиш учун иштирокчилар томонидан тақдим

этилган ҳужжатларни давлат харидларининг электрон тизимидан (шахсий кабинетдан) фойдаланган ҳолда (“Zoom” платформасига интеграция қилиш йўли билан) кўрсатиб берди.

Шунга кўра, мурожаат муаллифига харид комиссияси томонидан нима сабабдан танлаш мезонларида кам балл билан баҳоланиш сабаблари бирма-бир тушунтириб ўтилди.

Юқоридаги масалаларни кўриб чиқиб, Комиссия қарор қилади:

Кун тартибдаги 1-масала юзасидан.

“4-сон Қурилиш дирекцияси” МЧЖ томонидан 2022 йил 21 октябрда ХТ-Xarid электрон платформасида (580827 – лот рақам) орқали ўтказилган давлат хариди юзасидан “SMEC internatsional PTY. limited” компаниясининг мурожаатида келтирилган вазмларда мазкур давлат харидини бекор қилиш тўғрисида қарор қабул қилиш учун етарли асослар мавжуд бўлмаганлиги сабабли шикоятни қаноатлантириш рад этилсин.

Мурожаатчига давлат буюртмачисининг ҳаракатлари (ҳаракатсизлиги) устидан суд тартибда шикоят қилиш ҳуқуқи мавжудлиги тушунтирилсин.

Кун тартибдаги 2 ва 3-масалалар юзасидан.

Ўзбекистон Республикаси “Давлат харидлари тўғрисида”ги Қонуннинг (кейинги ўринларда - Қонун) 79-моддасига асосан иштирокчининг шикояти асосли деб топилган тақдирда, Давлат харидлари соҳасидаги шикоятларни кўриб чиқиш бўйича комиссия, давлат буюртмачисининг қонунга ҳилоф қарорларини, шу жумладан давлат харидлари соҳасидаги ҳужжатларнинг шартларини бузадиган қарорларини қисман ёки тўлиқ бекор қилиши белгиланган.

“Тошкент метрополитени” УК томонидан (220698-лот рақами орқали) ўтказилган “Закупка оборудования микропроцессорной централизации (МПЦ) Чиланзарской линии (для организации интервального регулирования и безопасного движения подвижного состава).” энг яхши таклифни танлаш савдоси жараёнида давлат харидлари соҳасидаги ҳужжатларнинг шартларини бузадиган қарорлар қабул қилинганлиги сабабли ушбу давлат хариди бекор қилинсин.

Томонларга давлат харидлари соҳасидаги шикоятларни кўриб чиқиш бўйича комиссиянинг қарори устидан суд тартибда шикоят қилиш ҳуқуқи тушунтирилсин.

Кун тартибдаги 4-масала юзасидан.

Ўзбекистон Республикаси Вазирлар Маҳкамасининг 2022 йил 20 майдаги 276- сон Қарори билан тасдиқланган “Давлат харидларини амалга ошириш билан боғлиқ тартиб-таомилларни ташкил этиш ва ўтказиш тартиби тўғрисида”ги Низом иловасининг 161-бандига мувофиқ тендер натижалари бўйича шартнома тендер бўйича харид қилиш ҳужжатларида ва шартнома тузилаётган тендер иштирокчиси томонидан берилган таклифда кўрсатилган шартлар асосида ғолиб аниқланган вақтдан бошлаб ўн иш кунидан кечиктирмасдан тузилиши белгиланган.

Шу билан бирга, Ўзбекистон Республикаси “Давлат харидлари тўғрисида”ги Қонуннинг 81-моддасига мувофиқ, давлат харидлари тўғрисидаги қонунчиликни бузганликда айбдор шахслар белгиланган тартибда жавобгар бўлиши қайд этилган.

Мазкур мурожаат юзасидан давлат буюртмачисига харид комиссиясининг мазкур тендер натижаларини баҳолаш натижаларини қайта ўрганиб чиқиб, тендер ёлиби билан шартнома тузиш юзасидан тегишли қарор қабул қилиши зарурлиги тушунтирилсин ва давлат буюртмачиси қабул қилган қарори натижаси юзасидан асослантирилган маълумотларини уч иш кунда Комиссия ишчи органига тақдим қилсин.

Қўшимча равишда, “Андижон ХЭТК”нинг юқори турувчи ташкилотларига ушбу масала юзасидан маълумот киритиш чораларини кўрсин.

Кун тартибидаги 5-масала юзасидан.

“Тошкент йўловчи вагонларини куриш ва таъмирлаш заводи” АЖга ушбу мурожаатда қайд этилган шартномалар бўйича келиб чиққан низоларни ҳал қилиш юзасидан ўрнатилган тартибда тегишли судга мурожаат қилиш мақсадга мувофиқлиги тушунтирилсин.

Кун тартибидаги 6-масала юзасидан.

“Toshelectroapparat” ХК МЧЖга “Давлат харидлари тўғрисида”ги Қонунинг 23-моддасига мувофиқ, иштирокчи давлат харидлари тўғрисидаги қонунчилик талабларига риоя этиши ва харид қилиш ҳужжатлари талабларига мувофиқ бўлган таклифлар ва ҳужжатларни тақдим этиши ҳамда тақдим этилган ахборотнинг ишончлилиги учун жавобгар бўлиши;

Қонунинг 41-моддасига кўра, иштирокчилар харид қилиш ҳужжатлари ва қўлланилаётган харид қилиш тартиб-таомили юзасидан тушунтиришлар олиш учун давлат буюртмачисига ёки у томонидан жалб этилган ихтисослашган ташкилотга мурожаат қилиши мумкинлиги;

Қонунинг 60-моддасига асосан, танлаш иштирокчиларининг таклифлари эълонда ва танлаш бўйича харид қилиш ҳужжатларида белгиланган тартибда тақдим этиш лозимлиги кўрсатиб ўтилсин.

Жамиятга:

Қонунинг 19-моддасига мувофиқ, харид қилиш тартиб-таомиллари иштирокчиларининг товарлар (ишлар, хизматлар) ва давлат харидларининг тартиб-таомиллари билан боғлиқ сўровлари бўйича уларга қонунчиликка мувофиқ тушунтиришлар бериши;

Қонунинг 20-моддасига кўра, харид комиссияси давлат харидлари ижрочисини аниқлаш тартиб-таомилларининг давлат харидлари тўғрисидаги қонунчилик талабларига мувофиқлиги, ўзи қабул қилаётган қарорларнинг асослилиги ва беғаразлиги учун жавобгар бўлиши;

Қонунинг 59-моддасига асосан, танлаш бўйича харид қилиш ҳужжатлари иштирокчиларга танлаш бўйича харид қилиш ҳужжатлари қодаларига доир тушунтиришларни тақдим этиш тартиби, тақдим этиш муддати бошланадиган ва тугайдиган сана кўрсатилиши лозимлиги эслатиб ўтилсин.

“Toshelectroapparat” ХК МЧЖ мурожаатида келтирилган важлар ўз тасдиғини топмаганлиги, шунингдек тендерни бекор қилиш тўғрисида қарор қабул қилиш учун етарли асослар мавжуд бўлмаганлиги сабабли шикоятни қаноатлантириш рад этилсин.

Мурожаатчига давлат буюртмачисининг ҳаракатлари (ҳаракатсизлиги) устидан суд тартибида шикоят қилиш ҳукуқи тушунтирилсин.

Комиссия аъзолари:

С. Назаров



Т. Яркулов



Ф. Рахманов



Б. Аллаберганов



Р. Махкамов




М. Камилов



Т. Холиқов



Б. Ибодуллаев



Д. Милиев



Н. Икрамов



Ж. Номозов



А. Убайдуллаев

